

8258

III

Pawlicki III N.

Proemium in Philosophiam.

1800



at
fic

an

re
ver

ad

Ra

cert

PHILOSOPHIA.

Proœmium.

Philosophia (a graecis vocibus φιλεω amo, et σοφία sapientia) voce tenus idem fere significat, quod amor, sive Studium Sapientiae.

Accurate autem *Philosophia* est Cognitio seu Scientia Veritatis. Sed idem significat Studium Sapientiae, — sublimiori quadam et accomodatiora significatione.

Duo requiruntur: *Sapientia* et *Studium*.

Sapientia idem est ac *Veritas* et *Verum*, aut certe utrumque praesupponit, et quidem Summum.

Studium autem praesupponit *Intellectum* sive *Rationem*, nam *Studium* circa *Sapientiam* sive *veritatem* non peragitur nisi a *ratione*.

Illa duo igitur: *Sapientia* et *Studium* ad haec alia duo reducuntur: Verum et Rationem.

Philosophia itaque est *Relatio* aliqua, et certe Conjunctio Rationis cum Verbo et Veritate.

Aut potius. in Veritate; nam haec ipsa Conjunctio Rationis cum Verbo est Veritas.

2. Duplici modo considerari potest
Conjunctio Rationis cum Verbo: in fieri scilicet
(quando adhuc peragitur), et in facto esse
(dum jam peracta intelligitur).

In prima acceptione Philosophia est
Inquisitio Veri a Ratione.

In altera vero est Philosophia: Cogni- Sd
tio Veri. Sibi disciplina (a disco), hic scientia in
(a scio).

Porname i porname. Učenje i znanje.
Erkennen und Erkenntnis. Lehre und Wissenschaft.

3. Quid est Verum? Sd quod cognosci-

tur. — Quid est Ratio? Sd quod cognoscit.

Nota contra eos qui dicunt idem esse
Rationem et Verum (Cognitionem et Existentiam)
haec inter se toto genere differre, sicut
activum a passivo.

4. Quid autem cognoscitur?

a) Sd quod est (τὸ ὄν);

b) quodque modo aliquo se revelat,

id est: se cognoscendum praebet.

Verum itaque pressius definiri po-
test: Sd quod est, quodque modo aliquo se
revelat, ut cognoscatur.

5. Quid autem cognoscit?

a) Quod apprehendit id quod est (Tò òr), scilicet Verum.

b) apprehendit autem in quantum illud se manifestat ad cognoscendum.

Ratio itaque pressius definiri potest: Id quod apprehendit illud quod est (Tò òr) in quantum hoc se manifestat ad cognoscendum,

Ex his magis magisque innoterit quid sit Philosophia dum definitur esse Inquisitio aut etiam Scientia Veri.

Huiusque definitio haec communis est et Philosophiae et Theologiae. Nam et Theologia est Studium Sapientiae, et Theologia est Studium circa Verum et Scientia Veri.

Quaenam igitur differentia inter Theologiam ac Philosophiam? Ad hoc animadvertendum.

§ 6. Attamen Verum non uno sed diversis modis se manifestat ad cognoscendum. Inter hos maxime inter se distinguuntur modus naturalis, et modus supernaturalis.

Philosophi non Christiani hanc distinctionem minime probant; sed nos hic loci evincere eam diligentius ^{contra ipsos} non curabimus. Indicamus tantum hanc distinctionem tironibus; scilicet agimus hic de hac definitione naturalis et supernaturalis in nostra hypothesis (cujus veritatem postea declarabimus); atque ad nostram utilitatem.

Modus naturalis est tunc, quando ex una parte et Objectum cognitionis, et ejus manifestatio, ex altera parte et Ratio et ejus apprehensio limites naturae non excedunt;

supernaturalis autem si omnia haec aut ali-
quid horum naturam transcendit.

Cognitio Veri hoc ultimo (supernaturali)
modo adeptae, est et vocatur Fides.

Cognitio Veri naturali modo acquisita
est et vocatur Scientia.

De utraque Cognitione potest dari Sci-
entia (proinde distinguenda scientia a Co-
gnitione).

Scientia de Verbo supernaturali modo
adepto, est Theologia.

Dicimus autem quod Verum sit adeptum
modo supernaturali, ejusque Cognitio non autem
quod Scientia sit hoc modo adeptae. Nam
semel ac Verum est supernaturaliter conse-
quutum, jam est Objectum circa quod
Ratio suas vires exercit, etiam natura-
les, quale est ratiocinium etc. —

Proinde reliquum est ut Philo-
sophia ultimo dicatur: Scientia de
Verbo modo naturali acquisito.

§ 7. Quomodo tamen poterit
imprimis Modus supernaturalis accu-
ratius definiri; id est quando id fit,
ut et Objectum ipsum Cognitionis, ejus-
que manifestatio ex una parte, ex
altera vero Rationis apprehensio, limi-
tes naturae excedat? —

Objectum cognitionis excedit limites naturae:

a) quando hoc Objectum habet formam vel ex parte vel ex integro, naturae nostrae minime correspondentem, talem scilicet, quae a nostra communi cognoscendi facultate apprehendi non possit.

Ita v.g. Deus, ex ea parte, non qua ad extra existens et agens sumitur, sed qua ad intra in seipso consideratur.

Ita etiam Angelus qui existat in forma Spirituali, quatenus haec in se ipsa consideratur. Nos non habemus in universa nostra cognoscendi facultate, tale organum ut formam mere spirituales apprehendere possimus in se ipsa.

b) quando manifestatio huiusmodi Objecti ob hanc maxime causam (quod non habeat formam nostrae naturae correspondentem) fit ex ea parte qua haec Objecti forma rationi nostrae impervia est, non per formam propriam, sed per formam adscititiam (phantasmata, signa, Verba etc), nostris facultatibus accomodatam.

Ita v.g. Deus aut Angelus possunt se manifestare per figuram aliquam luminosam, maxime per Verba aut Symbola.

Haec autem forma adscititia non semper debet immediate innotescere, sed potest ipsa jam mediata etiam per media alia communicari, uti per Scripta et per praedicationem.

— Ex parte vero rationis apprehensio excedit limites naturae similiter:

a) quando ex Verbis aut Signis sibi communicatis ratio non ^{con}cludit (quia nec potest nec debet concludere) ad aliquam formam, in rerum natura (sibi aliunde nota) existentem; sed simpliciter concludit ad existentiam entis (quod revelatur), quia sibi aliquorum ejus formam effingat, aut ma naturali vi cognoscendi eam sibi aliquando effingendam putet. —

Etenim dupliciter concludere potest ratio ex Verbis et signis tibi communicatis. 1^o ad res in rerum natura existentes quarum formas utpote naturales, effingere tibi potest, v.g. ex descriptione alicujus animalis recens detecti (simiae ex gr. Gorillae) ad existentiam effigiemque formae hujusmodi animalis; ex descriptione Urbis Constantinopolitanae ad ipsam Urbem, ejusque in mente imaginem; et haec conclusio et ad rem et ad formam ejus est naturalis; - 2^o ad res quae non existunt in rerum natura a nobis nota, quarum formas ex nulla descriptione ^(effingere tibi valens, proindeque) concludendo ex Verbis et signis ad existentiam rei, ad formam non possumus concludere v.g. ex operatione Dei, concludimus quidem ad ejus existentiam, sed non ad ejus imaginem aut formam aliquam. Quare conclusio ad existentiam poterit esse naturalis; conclusio tamen ad formam quae nobis verbis manifestatur sive ut in hoc casu Revelationis aliquo modo adumbratur (v.g. Deum existere triplici modo existendi, - unumquemque ex his modis esse veram personam etc). hujusmodi conclusio ad formam talem quae in rebus nobis ex rerum natura cognitis non innotescit, non erit naturalis; et hoc ex ipsa indole conclusionis. Erit enim haec conclusio ad aliquam formam, quae in rerum natura non invenitur, scilicet ad formam supra naturam, erit igitur Conclusio supernaturalis.

[Quod si in hoc dato casu, sc. Trinitatis in Deo, aliqua huius formae similis raretur alia in rerum natura puti nonnullas I. Augustinus representat in libris de Trinitate) et hoc maxime fundamento conclusio illa iuniretur, tunc dicenda esset naturalis, ex hac scilicet parte. Quare conclusio omnis ex parte supernaturalis ea dicenda sola est quae concludit ad tale objectum cujus nihil simile in rerum natura exhiberi possit. Proindeque]

Conclusiones supernaturales esse maximas ac absolutas dicendas sunt, quae concludunt ad res, quae ex libera voluntate Dei pendent, ut. Elevatio naturae humanae, Incarnatio Verbi Divini et cetera similia cum his conjuncta.

b) quando ad hoc etiam ut hanc Conclusionem ratio faciat firmam ac adaequatam non sufficiunt ejus propriae vires, sed requiritur superadditum auxilium gratiae divinae.

Et his distinguendum est ^{inter} superficiale conclusionem, et formam ac absolutam. Possemus illam dicere mere intellectualem, hanc vero rationalem; quarum vocum postea plenius assequemur significationem.

Superficialis itaque et mere intellectualis Conclusio in rebus supernaturalibus cum revelatur,

tian

sti

defi

Cogn

acq

Sign

nat

clud

tura

clu

form

inve

aut p

ordi

v.g. cum revelatur Deus, ut auctor gratiae, semper fit ab intellectu, statim ac ei verba aut signa proponuntur quae per revelationem continent, et hoc fit sine auxilio gratiae internae, quae rationem sublevet eamque roboret. At non ita dicendum est de illa alia conclusione intima ac firma, quam rationalem diximus, et ad quam ratio ex se ipsa pervenire non potest; sed requiritur auxilium operationis divinae intus (gratia) corroborans eam.

De hoc argumenta plura suo loco.

Et haec est cognitio supernaturalis et quoad substantiam et simul quoad modum.

De supernaturali quoad modum tantum statim monebimus.

§. 8 Hic modus supernaturalis cognitionis, dicitur etiam Fides.

Fides dicitur etiam in rebus naturalibus, nempe in illo casu quem jam adduximus, cum ex verbis et signis nobis communicatis concludimus ad ens aliquod, cujus forma in rerum natura existit, quamque sibi ex descriptione eam divinando, quisque effingere potest; ubi ex descriptione Urbis Constantinopolitanae ipsa Urbs etc. — At haec est Fides naturalis, et non est illa quam subintelligimus quum simpliciter fidem amus. Haec enim ita simpliciter est Fides supernaturalis.

Fides itaque, ea scilicet omnino supernaturalis, recte definitur, uti jam monuimus, et nunc plenius definimus: Cognitio Veri supra naturam, modo etiam supranaturali acquisita; et tum maxime erit quando ex Verbis et Signis nobis communicatis ratio non agit, ut in rebus naturalibus, ubi concludendo ad existentiam rei concludit etiam ad aliquam formam sibi in rerum natura aliunde notam; sed vero e contra, non concludendo ad ullam imaginem aut formam cujus formae similis alia in hac rerum exteriori natura inveniretur, itemque non concludendo ad factum revelatum aut facti causam, cujus facti vel ejus causae ratio in hoc ordine naturali deprehenderetur, concludit simpliciter ad

ipsam rem tantum, aut ipsum factum vel facti causam quarum existentia est ei revelata.

Haec est Fides supernaturalis quoad substantiam. Quoad modum tunc erit, quando modo supernaturali, et ab auctore supernaturali revelantur nobis res aut facta quae etiam naturaliter cognosci a nobis possent.

§. 9. Modus naturalis cognitionis, uti diximus, ille est in quo nec Objectum cum sua manifestatione, nec Ratio cum sua apprehensione limites naturae transcendunt.

Quando autem ita fieri censendum est, et quousque tandem hi limites porrigendi?

— Ex parte Objecti et ejus manifestationis:

a) quando Objectum ipsum et maxime ejus forma, aut saltem Objecti operatio, invenitur in his rebus partemque constituit hujus rerum naturae, aut ex ea deprehendi potest

Haec duo quae diximus: „saltem ejus operatio“ „et ex ea (rerum natura) deprehendi potest“ diximus in gratiam cognitionis ipsius Dei, naturali modo adipiscendae. Nam Dei operatio naturalis invenitur in hac rerum natura, aut saltem ex ea deprehendi potest.

b) quando sive forma objecti, sive ejus operatio, aut verba et signa, quibus sive hac forma, sive haec operatio exprimuntur innascuntur nobis modo consueti ac naturali

Hinc si alio, supernaturali, modo haec forma nobis innateret, ex hac parte saltem cognitio esset supernaturalis, scilicet quoad modum. Ita ex gr. si Urbem Constantinopolitanam Angelus aut Daemon nobis in phantastica luce representaret spectandam.

Sed et tunc potius esset cognitio praeternaturalis, aut extraordinaria, non stricte supernaturalis. Praeterea enim consuetum tantum ordinem naturae, non autem omnem ordinem naturae: — Ille enim effectus ex viribus solus naturae possibilis est; Angelus aut Daemon non crearent tunc novas vires, sed iis quae in natura existunt uterentur.

Debet tamen admitti vera definitio inter

supernaturale quoad modum, et supernaturale quoad substantiam; sed de hoc jam diximus et mo loco plura dicemus. Hic loci distinctio hujusmodi parum refert.

Sufficit quod dictum est: ut formae rerum aut earum signa innotescant modo conjuncto et naturali.

— Ex parte Rationis et ejus apprehensionis similiter:

a) quando ratio a forma propria (sive mediate sive immediate, i.e. aut per signa aliqua aut per se ipsam cognita) concludit ad eas propriam; aut ab operatione entis cujus nulla forma propria ipsi sive mediate sive immediate manifestatur, concludit ad simplicem existentiam illius entis cum illis attributis quae in operatione ejus manifestantur.

b) quando fit haec Conclusio (fit autem semper) viribus ipsius rationis.

§. II. Hic est modus naturalis Cognitionis, qui etiam dicitur Scientia, per oppositionem ad Fidem, quae suum nomen dat Cognitioni supernaturali.

Scientia itaque (naturalis nimirum et per oppositionem ad fidem) recte definitur uti monuimus: Cognitio veri modo naturali acquisita, et tum maxime erit quando ex verbis et signis ad formas proprias rerum, ex formis autem propriis ad entia propria earundem ratio concludit; aut etiam quando ex operatione naturali Objecti, quod ceteroquin est supernaturale, ratio concludit ad ejus existentiam et ea attributa quae ex ejus naturali operatione se manifestant. Itaque scientia naturalis in hoc consistit, ut ratio percipiat existentiam rerum in propriis earum formis et de his formis judicare possit sicut sunt in seipsis, per eas autem consequenter de entibus et de integris rebus et hoc quidem quum agitur de rebus naturalibus. Dein vero quae sunt supra naturam, id solum sciat quod in rerum natura ex earum operatione aut similitudine invenire potest.

Distinctio hujusmodi inter naturalem et supernaturalem Cognitionem, atque inter hujusmodi utriusque characteres communi ex calculo probata ac usu tria.

Sed datur alia, intimior hujus rei ratio.

§. 12. Si rem totam penitus perscrutemur, apparebit nobis verior ac intimior ratio hujus distinctionis inter naturalem ac supernaturalem Cognitionem, verioresque etiam ac solidiores characteres utriusque.

Cujus rei gratia considerandum est Verum (quod est Objectum Cognitionis) sumi posse vel impersonaliter, vel etiam personaliter, i.e. alicui personae, summae scilicet ac absolutae ultimo inhaerens.

Hanc rem negant Philosophi non Christiani. Nos hic contra ipsos non agimus, nec statimus aut tuemus aliquam thesin.

Aminino extra controversiam cum ipsis assumimus hypothesein. Tota haec dissertatio de distinctione inter naturalem ac supernaturalem Cognitionem hypothetica est, sicut jam notuimus. In limitibus itaque hujus jam semel assumptae hypotheseis, melius declarare cupientes distinctionem ejus partium, earamque characterum, ponimus nunc non jam aliam hypothesein, sed unum thesin, personalitatis scilicet Objecti Cognitionis, i.e. quod Verum non sit existens ut Res absoluta, sed inhaereat Personae absolutae. Profecto, cum semel admitta est distinctio naturalis et supernaturalis Cognitionis, et facta hypotheseis ista, jam inter limites hujus hypotheseis certitudo est absoluta ac thesis firmissima objectum saltem Cognitionis supernaturale, sc. Verum, saltem supernaturale, inhaerere Deo, sc. personalitati absolutae.

Verum cum impersonaliter sumitur, considerari potest et debet ut res, quae non erit ex se agens (nisi forte eadem ratione qua et omnes aliae res agunt), sed actioni obnoxium, i.e. aliam in se actionem experiens: actionem rationis quae hoc Verum apprehendere studebit.

Nec officit quod Verum etiam impersonaliter, ut res, sumptum, semper tamen inhaereat menti divinae. Hoc non officit, inquam, quominus Verum tractetur ut res a ratione. Nam tunc dicendum est Deum permittere ut Verum ita tractetur imo dicendum Deum allevare rationi negotium dum aliqua forma ipsi congruente Verum oblegit et accessibiliorem reddit.

Verum cum personaliter sumitur considerari potest et debet non uti res, sed uti persona aut saltem ut aliquid a persona non sejunctum, et tunc erit agens, id est ipsummet actionem suam in rationem exercans.

§. 13. His positis accuratissima distinctio inter naturalem et supernaturalem Cognitionem haec erit:

Naturalis Cognitio ea est in qua Ratio tractat Verum tanquam Rem, illudque suo jure ac suis viribus et industria, tanquam rem suam, apprehendere et possidere curat.

Supernaturalis Cognitio ea est in qua Verum agit in Rationem, sive immediate sive mediate, tanquam persona in rem suam, eamque suo modo apprehendere, i. e. illuminare, excolere, ac possidere satagit.

Etiā in illa suppositione

quod Verum personaliter
sumptum (Deus) revelet nobis
res, quae sunt in ordine na-
turae, tamen saltem quoad
modum erit cognitio supernatu-
ralis: — Ergo omnis cognitio
hac modo assequenda, est superna-
turalis.

§. 14. Scientiae nomen eo nunc re-
ctius dabitur naturali cognitioni. Scire
enim magis activum est, veluti videre,
audire, experiri etc. et recte dicitur de
ratione agente veluti persona et suis
facultatibus rem apprehendente, de eaque
jam certa facta.

Fides eodem pacto melius aptabi-
tur Supernaturali Cognitioni. Credere
namque magis passivum est, et ex nostra
parte refertur ad personam quae in
nostram rationem agit: creditur enim per
sonae aliquid affirmanti.

§. 15. Theologia itaque (ut nunc
accuratius differentiam ejus a Philosophia
definiamus) est scientia innixa Cognitio-
ni supernaturali, seu: est scientia
Fidei.

Philosophia e contra est scientia
innixa Cognitioni naturali, proindeque
est Scientia Scientiae.

Duplici sensu Scientia sumi potest et debet: tanquam simplex cognitio rerum, formarum, earumque legum etc. a ratione acquiritarum, per oppositionem ad Fidem, et haec est simpliciter Scientia; tum vero tanquam ~~universalis~~ Scientia ~~hujus~~ universalium causarum legum relationum, consequentiarum etc. ipsius hujus cognitionis, — et tunc est Scientia Scientiae. Sicut ex alia parte cognitio rerum, veritatum etc. non a ratione ipsa acquiritarum, sed ipsi per Revelationem communicantur, constituit Fidem, sed Scientia legum, intimorum causarum, consequentiarum quae in his continentur est Scientia ipsius Fidei. — Ibi simplex Scientia, hic ipsa fides, sunt veluti materia sublimiori Scientiae, quae illius materiae est veluti forma.

Et in et Theologia et Philosophia scientiae sunt, sed tanquam Scientiae odiametro sibi opponuntur.

Theologia est Scientia eorum quae creduntur, i.e. quae procedunt a Vero personaliter agente in Rationem.

Philosophia est contra est Scientia eorum quae sciuntur, i.e. quae acquiruntur a Ratione personaliter agente in Verum.

Et haec est apodictica et adaequata differentia inter utramque scientiam. — Haec causa exposita, nunc Theologiae vale dicimus, ad philosophiam revertentes, quam veram Scientiam esse nunc argumentis intrinsicis convincemus; — simul tamen advertentes haec argumenta aequae et pro Theologia valere

ita ut Theologia etiam vera scientia
et demonstretur, et dici debeat.

§. 16. Ceterum Philosophia in se ipsa
spectata est veri nominis scientia. Habet
enim satis superque ea omnia quae ad
veram Scientiam constituendam requiruntur.

Quid igitur est Scientia?

Cicero eam describit: " Ea est Scientia,
" quae per omnes partes Sapientiae manat
" et funditur. — quae rem definit, genera
" disperdit, sequentia adiungit, perfecta
" concludit, vera et falsa iudicat." *Tusc. Quest. V.*

Sed rectius:

Ea est Scientia, quae Rei alicujus aut
Veri dat certa principia et definitiones,
et per rectas relationes et consequentias
devenit ad evidentem rectamque Conclusionem.

Communiter definitur: Cognitionis certa
et evidens rei.

Haec autem omnia habet Philosophia;
sed illa sola (absolutam eam ob hanc causam
nuncupare non dubitamus), quae Vero abso-
luto et se ipsum revolanti ex sua parte respondet.

Cetera Philosophiae systemata cum
nec huic ultimae conditioni satisfaciant,
nec habeant quae ad veram scientiam re-
quiruntur, eo ipso falsa non solum censen-
da, sed publice conclamanda sunt, ac publi-
ce tandem damnanda.


lia

a
t
d
tur.

ntia,
and
ra
lo
ent v.

ut
s,
as
rem.
la

hia,
isam
bis-
pondet.
m
ant,
re-
sen
ubli.



Prolegomena.

1. Philosophia est studium Sapientiae.

Duo igitur hic aequè requiruntur: et Studium, et Sapientia.

Et primum quidem requiritur Sapientia, quae est illa, cui studetur. Sapientia autem idem est ac Veritas seu Verum.

Cum vero requiritur Studium. Studium vero non ponitur, nisi ab aliquo, videlicet a mente aliqua, quam hic vocabimus rationem. Alterum igitur quod requiritur est. Ratio

Studium Sapientiae proinde, seu Philosophia, idem est ac Inquisitio Veri a Ratione humana.

2 Sed quid est Verum, et quid est Ratio?

Respondemus in primis generaliter:

Verum est id quod cognoscitur.

Ratio est id quod cognoscit.

Igitur duo sunt: Ratio et Verum, alterum videlicet ab altero distinctum.

3. Jam vero non cognoscitur nisi id

A) quod est

B) quodque modo aliquo se revelat.

Proindeque Verum pressius definitur potest:
Id quod est, et quod aliquo modo se revelat, ut cognoscatur, id est: manifestat se ita, ut possit cognosci.

4. Ex altera parte id quod cognoscit, i.e. Ratio, non potest cognoscere nisi

A) apprehendat aliquo modo id quod est (sc. Verum),

B) et apprehendat in quantum illud se revelat ad cognoscendum.

Proindeque Ratio pressius definitur potest:
Id quod apprehendit illud quod est in quantum se manifestat, in ordine ad cognitionem, idque in se reflectit.

5. Porro Verum manifestat se diversis modis, inter quos maxime interse distinguuntur: modus naturalis et modus supra naturam.

Philosophi non Christiani hanc distinctionem minime probant, neque nos hic loci contra ipsos evincere eam curabimus. Indicamus tantummodo eam hic brevibus, distinctionem, ut eis innuamus discrimen, quod inter Theologiam et Philosophiam intercedit.

Distinctio, quae inter hos duos modos apprehendendi Veri a Ratione humana intercedere dignoscitur, est ipsa distinctio inter Philosophiam ac Theologiam.

Itaque Theologiae et Philosophiae, eundemque est objectum, quod apprehendunt, scilicet Verum; sed non idem modus apprehendendi. Philosophia assumit Verum manifestans se modo naturali; Theologia vero idem Verum accipit modo supernaturali manifestatum.

6. Apprehensio Veri modo naturali facta vocatur Scientia seu potius Cognitio, et haec est basis atque finis Philosophiae.

Modo supernaturali facta Veri apprehensio vocatur Fides et huius instituta Theologia, ut ad suam finem perveniat.

7. Et Philosophia et Theologia aequo jure dicuntur scientiae.

Philosophia est scientia superstructa Cognitioni naturali, et perducens ad scientiam naturalem.

Theologia est scientia superstructa Fidei supernaturali, et perducens ad scientiam supernaturalem.

Hic dicendum, quid sit Scientia.

8. Si Philosophia est Inquisitio Veri a Ratione humana instituta, si deinde Verum est id quod se manifestat, ut cognoscatur, et Ratio, ea quae cognoscit, si tandem ultimus Philosophiae scopus est apprehensio Veri, id est Cognitio seu Scientia, jam patet profecto ante omnia vire nos oportere quomodo Verum se manifestat, et quomodo Ratio cognoscat.

Oportet itaque scire, quae sit lex et Veri se manifestantis, et Rationis cognoscentis.

9 Lex porro, sive modus, sive forma, quibus
se manifestat Verum debet necessario respondere,
ac adaequata esse ei legi, modo vel formae quibus
Ratio idem Verum cognoscit. Secus enim neque Verum
esset. Verum, nempe id quod cognoscitur (non potest
enim cognosci); neque Ratio esset Ratio, id est ea
quae cognoscit (non posset enim cognoscere).

10. Ex his perspicuum apparet quod Philosophia
incipere debeat ab hac quaestione solvenda, nimirum quae
tandem sit huiusmodi duplex lex; quae utraque cum
sit certe correlativa et sibi vicissim respondens,
iure merito potest tanquam unica considerari,
vocarique lex Cognitionis.

11. Ut hanc quaestionem solvamus satis erit
perfecto ut alterutram ejus partem rite exponamus;
nam cum altera pars alteri admodum respon-
deat, definita una, et altera definitur, necesse est.

12. Cum vero Ratio ea sit quae nobis
congenita inveniatur, ejusque legem quisque non
siccis capprime in ea ipso considerare potest;
vel si minime considerare ipse, saltem facile poterit
examinare id quod ipsi de Ratione sua dicatur,
atque id secum conferendo perspicere: verumne
sit ac aequum ut quod ipsi de Ratione generaliter
proponitur; hinc consequens videatur: Philosophiam
incipere debere a lege Rationis ipsius recte con-
stituendo.

Prima igitur quaestio Philosophiae haec abs-
que apparet: quoniam sit lex Rationis? seu
quid idem sonat: Quoniam sit lex logica?

13. Cum autem lex omnis debeat aliqua
formula exprimi, hinc quaestio huiusmodi potest
etiam hoc modo enuntiari, scilicet: Quoniam
sit formula logica?

Fundamentum totius Philosophiae.

Lex Logica.

14. Cum de lege agatur. iurabit in primis notasse legem genericè samptam esse: rationem et regulam qua quid fit vel faciendum est.

Unde de lege rationis, i.e. de lege logica nobis quaerentibus recte respondebitur generatim: Legem logicam esse: cum Rationem ac Regulam, qua ratio actus suos ponit, i.e. qua cogitat.

15. Exinde appeto sequitur in omni re, cuius legem ignoramus et pervenire cupimus, non actus ejus omniaque ut ajunt phaenomena observare debere, ut tandem ex his legem ipsam delegamus. Sic itaque rite observantes quid et quomodo agit ratio nostra, poterimus legem ipsius i.e. legem logicam rite etiam percipere.

16. Haque si ratio nostra probe perscrutetur, evidenter apparet omnes et singulos actus ejus in hoc consistere ut sive cogitans, sive sermocinans, non aliter loquatur, neque aliter cogitet, quam formam conjungendo eam ente.

Sic v.g. Socrates currit, Socrates maximus est Philosophus, eo currere, vel eo maximum esse Philosophum, forma est aliqua quae conjungitur cum ente quod est Socrates.

Imo quando hoc solum dico: currere aut Philosophus, ne tunc quidem sine ente hujusmodi formam intelligo; nam si a ratione mea suscitatus fuerim quid tandem sit currere? respondebit mihi aliquem (scilicet ens aliquod) de loco in locum citius se movere, nec hujusmodi motum sine eo quod movetur (scilicet ente suo) ulla ratione concipere. Quid rursus fit Philosophus? Responsum habebimus: Aliquis qui philosophatur, forma rursus cum ente conjuncta.

17. Quod ratio revera semper iuxta hanc regulam cogitet: formam scilicet conjungendo cum ente, factum est est ajunt, et quidem factum universale. Satis est appetere ad communem experientiam.

18. Id idem tamen evinci adhuc potest negativa aliqua, quam ita vocant, ratione. Et primo quidem ex eo quod impossibile sit formam puram ipsam solum per se considerare. Quis sane potest cogitare albedinem sine albo, pulchritudinem sine pulchro, ad rem, motum sine eo quod movetur, et sic porro?

19. Ex alia parte neque ens solum sine forma ullo modo cogitari potest.

Quomodo enim intelligere, vel etiam simpliciter cogitare potuero ens sine ratione, si est rationale; sine vita si est vivens, sine existentia si est existens? Ens vero non existens non datur, nec potest cogitari. Quod idem est ac dicere: ens sine forma non posse cogitari. Existentia enim est forma; forma utique ultima et simplicissima entis, sed vera forma. Si ergo dicimus: Ens sine existentia non posse cogitari, plane dicimus non posse cogitari ens sine forma.

20. Hoc ex eo miram in modum confirmatur quod si Ens sine forma aliqua, ex maxime sine hac simplicissima forma existentiae, cogitari potest, jam proorsus sequeretur

A si sermo esset de multis entibus nullum eorum aliud ab alio distinguere posse; nam id quod distinguitur, et quod distinguit, eo ipso est forma aliqua, alia ab alia distincta. Si ergo plura diversa entia sine forma possent cogitari, considerarentur diversa quae non essent diversa, proindeque considerarentur similia, quae non sunt similia. Absurdum hoc est.

B Si autem sermo esset de uno ente, nullum in ipso sequeretur esse differentiae aut distinctionis principium, nec proinde posse esse plura entia, quae tamen in rerum natura conspicimus.

Hinc apparet quam absurdum sit Hegelii principium a quo suum systema exorditur. Incipit enim a solo puro Ente, sine ulla forma. At vero et primum et postea loquitur et determinatur ut reliquum hominum genus, per formam scilicet et ens. Quidquid dixit, semper est (nec poterat id non esse) conjunctio formae cum Ente. Unde igitur mutit formam, et quomodo haec forma ad ens accessit?

4.
Hoc nuncupate discutimus. Unde forma? Atte-
rum ex duobus. Aut forma statim ab initio
fuit cum Ente (et haec est nostra sententia) et
tunc initium Philosophiae non est ens purum,
sed cum forma sua; haec autem in prima sim-
plicitate sua non potest esse nisi forma exi-
stentiae, incipere ergo debet philosophia ab
Ente existente, quod omnino et absolute ex-
cludit illud famosum Nihil Hegeli. Aut
forma, quae semper huius philosophus
utilis acque ac ceteri mortales conjun-
gendo eam cum ente, aut haec ~~itaquam~~
forma, post ens purum, tardius ipso est
nata, sed hoc est tandem absurdum ma-
ximum, Nam quomodo est nata? Dicunt:
Ens se duplicat. Absurdissimum! quod est
sine distinctione restat necessario sine distin-
ctione. Nam quomodo se distingueret a semet
ipso cum sit purum i.e. sine distinctione?
Quomodo se duplicat cum ex natura sua
sit unum eo ipso quod purum? Quid aliterum
daret ei motum, cum ipsum motum non habeat,
quia eo ipso non esset purum, et est purum?
Motus jam ex forma, illud autem purum ens
sine ulla est forma. Non potest ergo se dupli-
care, proindeque non potest producere suam
formam, quia jam prius haberet formam quam
eam produceret. Unde ergo haec forma?

21. Necessario igitur sicut Ens non datur
sine forma ita et Ratio nostra Ens cum for-
ma cogitat et formam cum Ente, et ita quidem,
ut per formam cogitet ens. Haec est lex ra-
tionis nostrae, et nunc solum inquirendum
nobis est in ejus momento ac reliquis con-
ditiones.

22. Et 1^o quidem inquiritur quomodo
Ratio apprehendat formam? Respondemus:
per ejus actionem. Forma agit juxta suam
naturam, et cum omnis forma sit intelligibilis,
agit haec ex parte etiam in intellectum. Haec
actio formae est id quod intellectum movet,
illico ipse reagit, et formam agentem appren-
dit.

23. Haec actio formae est veluti forma
formae. Ita v.g. sermo est forma cogitationis,

cogitatio vero est forma mentis, sermo itaque est forma hujus formae.

Sed haec forma altera i.e. actio unum est cum illa forma prima, i.e. forma agente, eodem modo (sermo cum cogitatione; conjunctis enim est immediata. Apprehensa ergo hac actione, ratio apprehendit etiam formam ipsam quae agit.

Haec forma apprehensa conjungitur verissime cum mente, et dici potest mens cum illa forma fieri aliquid unum.

Hoc explicare potest quid veri inveniatur in illa antiquorum sententia (praesertim Aristotelis) intellectum fieri unum aliquid cum re intellecta. Ex parte formae verissimum id est. Sed si intelligatur, uti a recentiori philosophia intelligitur, i.e. intellectum nostrum esse unum idemque cum re ipsa (non cum ejus forma intellecta), videlicet cogitationem et existentiam (das Denken und das Seyn) esse unum idemque, per absurdum id est, et omni veritati prorsus inimicum. Et haec sententia tam enormis unde stupore cordium jam intelligitur; ex illo nimium primario errore: posse dari et cogitari ens sine forma.

24. Unde primum ut ita dicam punctum hujus legis logicae, hoc est: ut ratio apprehendat immediate formam per ejus actionem, et hanc formam secum identificet; sed formam solam (aut potius formam formae)

25. Unum 2^{um} punctum, quod illius prioris notioni consequens est, hoc erit: Rationem apprehendere ens mediate tantum, i.e. per formam.

Ratio itaque nunquam attingit ens ipsum immediate; attingit tamen et scit ipsum, ac de ipso, mediate, videlicet per illam necessariam relationem a forma ad ens, quae constituit hunc legem rationis nostrae ipsius.

Illatio autem haec est necessaria quia Connexio ipsa formae cum ente est necessaria.

26. Et hoc 3^m punctum est hujus legis, haec nimirum necessitas conjungendi semper et referendi formam ad ens, quae etiam et sanctio est hujusmodi legis. Hanc necessitatem jam vindicavimus. Nunc solum notamus quod sit duplex hujusmodi connexio: in mente nostra, et in re ipsa.

27. Et eam formam rei quam per ejus actionem apprehendimus, dupliciter considerari potest: 1^a parte qua conjungitur et annumeratur menti nostra, et 2^a parte qua conjungitur cum ente suo, et fit unum cum ipso. Illic consideratur exteriorius, i.e. extra se ipsam ab eadem elicta actio ejusdem, hic intus i.e. in se ipsa ipsius immanentia. Proindeque

a) in mente nostra haec forma rei apprehensa etiam si vere sit in mente nostra per actionem suam uti diximus, tamen ex hac parte non conjungitur cum suo vero ente, sed cum ente logico, quod a mente nostra cogitatur, et opponitur enti illi vero quod extra nos cum forma vere conjungitur, seu potius sub forma invenitur. Est itaque hoc ens logicum veluti punctum aliquod logicum quod supponitur et submittitur illi circumferentiae formali, scilicet illi externae actioni formae afficientis mentem nostram.

Haec conjunctio igitur formalis cum ente in ratione nostra cum referatur ad ens logicum seu ideale, et est ipsa haec conjunctio idealis, et constituit ideam.

28. β) Extra mentem nostram forma conjungitur cum vero suo ente, et est conjunctio realis, et constituit rem.

29. In utraque eam hujus modi conjunctio, sive connexio, constituit ipsam veritatem; hic veritatem rei, illuc veritatem ideae.

30. Altera alteri admodum respondet, utraque est necessaria. Hoc jam dicimus et probavimus. Secus nec ratio esset ratio, nec verum esset verum.

31. Atque haec est omnis lex mentis nostrae, scilicet: 1^o Actio formae rei i mentem nostram, 2^o Apprehensio ipsius formae rei, 3^o Necessaria conjunctio hujus formae apprehensae cum ente logico, cui 4^o respondet necessario conjunctio realis et ens reale.

Formula logica

32. Hanc legem logicam si aliqua, eaque apta formula exprimere voluerimus, id in primis operae pretium nobis erit ut ejus praecipua momenta et omnia et sola curemus, ne formula nostra in aliquo deficiat neve abundet.

33. Fria sunt omnino hujusmodi momenta quae omnia et sola formulam constituere debebunt, et jam patet, quatenam sint. Sunt enim Forma, et Ens, et eorum mutua relatio, sive Connexio.

34. Si porro consideremus formam primam esse quae in mentem agat, primam quae ab ea apprehendatur, inde sequi illationem, ac tandem ens ultimum venire, procul dubio eundem etiam ordinem in formula servabimus. Proindeque non inepte poterimus legem logicam hac formula enuntiare:

Forma pertinet ad Ens.

quae est ipsa quam quaerimus formula logica.

35. Haec formula est aequae idealis et realis.

Est idealis ex ea parte qua forma a mente apprehenditur, et cum ente ideali conjungitur.

Realis est qua in re ipsa consideratur et conjungitur cum suo vero ente i.e. cum ente reali.

36. Haec formula necessaria est quemadmodum ipsa etiam lex logica quam exprimit.

10.
Necessaria autem est ex sensu, quod id
quod eadem formula continetur, et ipsum
est necessarium. Necessarium est enim
ut forma pertineat ad Ens aliquod.

Haec autem necessitas eadem est
etiam in rebus contingentibus; nam etiam
in contingentibus fieri non potest ut
forma non pertineat ad ens aliquod.
Valet etiam pro ente necessario et
absoluto, nam et in ipso forma si-
mul cum Ente existit, ad ipsumque
pertinet.

37. Proindeque haec formula est uni-
versalis; — nam nihil est quod ipsa non
contineat, nec praeter ipsam aliquid
cogitari potest.

38. Haec formula est evidens, imo
evidentissima, et totius evidentiae
fundamentum ac ratio. Id vero per
se patet, cum haec formula sit ratio
ipsa; et nisi foret evidens rationi, semet
ipsam ratio ignoraret.

39. Nunc alia ex parte eandem
formulam spectare debemus. Cum enim
tria momenta eam constituent, possunt
diverso ordine assumi. Qui igitur a
forma ad ens progrediamur, possumus
nunc ab ente ad formam descendere,
invernum scilicet ordinem sequendi. Itaque
qui prius dicebamus Formam pertinere
ad Ens, dicemus nunc aliquid tale
ac si: Ens possideret formam, vel etiam,
quod Ens habet formam.

40. Verum aliquid amplius dicere
debemus. Etenim quando diximus prius
formam pertinere ad Ens, id pertinere
cum significaret necessariam illationem
a forma ad Ens, significabat etiam perin-
de ac proprium esse, ab ente pendere, ab
ente proficisci. Secus enim non fuisset

id id necessaria illatio. Proindeque si inverso
ipsum nunc ordine nostram formulam exprimere
nim decrevimus, hanc debemus profectionem,
d. et uti dicam generationem formae ab
est ente in eadem exprimere. Poterit itaque
etiam hae inversa formula non inepte expri-
t ut mi dicendo quod: Ens causat formam;
quod verum melius adhuc (verbum enim cau-
et sare exclusivam quamdam praesefert si-
a si gnificationem) ita enuntiari debebit,
que ut dicatur:

Ens producit formam.

uni- 41. Hae formula inversa rationis
non nostrae evidens est et ipsa, universalis,
iid eademque et idealis et realis; non tamen
ex omni parte necessaria, eo scilicet scem,
imo ut ens necessario generet formam; potest
tae enim non generare, obitaculo aliquo inter-
er posito, si de ente illo loquamur quod non
tio est absolutum, id est quod non statim
semet et simul habet totam suam formam,
sed ab ente suo ad formam suam per
eum aliquam evolutionem pervenit.

rim In hoc itaque est differentia inter pri-
unt mam et hanc alteram formulam, quod
a prior illa exprimat veritatem ex omni
mus parte necessariam, nam necessarium omni-
re, no est ut ubi est forma, sit et ens; altera
aque vero id non faciat, nam est necessarium
ere ut ubi sit ens, statim tota ejus forma
le pariter adit.

m, Diximus esse necessarium ut ibi est
ere forma, sit etiam ens. Verum est dari formas,
rins vel quas phantasia nostra, in suis nobis,
ere ipsa fingit; attamen et istae formae inni-
tionem sunt alicui, videlicet menti nostrae.
rerin- ^{Sunt quae imperat aliqua imago et forma mentis nostrae.}
ab Nam mens nostra, ut pote forma calis supe-
t rioris, continet in se formas inferiores. Qua-
modo porro. Forma enim superior virtualiter
continet in se omnes inferiores. Quomodo por-
ro debet distinguere mens nostra alias illas

formas a semet-ipsa, hoc postea in Logica explicabimus; quod vero hic notamus quodque jam ut Verum evidenter apparet, id est quod diximus: Ubi est forma ibi et ens esse. Veritas est ex natura sua est necessaria. —

Quod autem invera propositio: Ens generat formam, non contineat veritatem ex omni parte necessariam, sed à certis conditionibus dependentem, id neque indiget probatione. Experientia quotidiana, ex nobis metipsis, et ex rerum natura deumpta, sine ulla ambage rem comprobat. In semine arboris, v.g. continetur utique arboris ens, non continetur forma. Ens illud positis opportunis conditionibus paulatim in formam evolvitur. Jam vero quot arborum semina perierunt ac pereunt! Quot igitur in illis solis inveniatur ensium vera specimina, quae nunquam formas generarunt! Sic porro dic de ceteris similibus. Non est ergo necessarium ut Ens generet formam. Attamen licet conditionata, veritas haec posita conditione, verissima ostenditur, et necessaria tum etiam ipsa.

42. Attamen si spectatur non factum ipsum (an scilicet forma generetur ab ente in se ipsa et veritate), sed potentia entis, et quae ex hac potentia consequitur propensio entis, et exigentia intrinseca ut formam suam revera generet, dici tunc utique potest semper verum esse quod: Ens generet formam. Nam Ens etiamsi semper permaneret impeditum ne id faciat, semper tamen, potentia hac praeditum, conabitur ut ita dicam formam suam generare, et posita conditione illico generabit.

43. Quamobrem dici potest formulam istam: Ens generat formam, realiter tantum non esse necessariam, sed idealiter et ipsa est necessaria.

Cum vero hic agatur de lege et de formula logica, seu quod idem est, ideali, proindeque omnia idealiter sumenda sunt, recte igitur poni potest hanc formulam: Ens generat formam, simpliciter esse necessarium.

44. Quod eo vel magis dici potest et debet, quod vox isthaec: generare, non dicat necessario simultaneam generationem, sed prorsus utramque enuntiat: et simultaneam nimirum et subsequentem.

45. Proindeque haec formula: Ens generat formam, ita idealiter sumpta uti hic debet sumi, omnino, id est absolute et necessario est vera, sicut et illa prima formula.

46. Tandem unus adhuc, id est tertius, adest modus ejusdem formulae considerandae, non jam a forma ad ens progrediendo, neque ab ente descendendo ad formam, uti hucusque facimus; sed ipsam eorum conjunctionem, illudque momentum prae oculis habendo, in quo utraque sunt unum.

47. Hic consideratur forma non in quantum pertinet ad ens, sed in quantum illud aequat et est unum cum ipso, et ens non consideratur in quantum generat formam, sed in quantum cum illa aequatur et est etiam unum cum ipsa. Quare satis apte haec formula poterit sub hoc respectu ita enuntiari

Forma et Ens sunt unum,
et vice versa

Ens et Forma sunt unum.

48. Haec formula, eodem pacto ac illa secunda idealiter vera semper ac necessaria est, non tamen realiter. Praeterea nequo jure cum illis duabus evidens iuxta atque universalis esse intelligitur.

19.
Principia fundamentalia Philosophiae.

49. Formulae tres istae, seu potius haec formula logica unica quod ad essentiam, et triplex quod ad modum, exprimit triplex principium cui innititur, cum universa ratio, tunc universa scientia, et generat tres analogas logicas operationes quibus eadem scientia omnis et operatur et perficitur. Tunc autem tria haec principia, atque optime dici possunt principia primordialia rationis nostrae, et principia fundamentalia totius Philosophiae.

50. Primum principium est principium Proprii, Et hoc exprimitur nostra prima formula. Quando quidem haec formula ex se ipsa evidens sit, jam evidenter et hoc principium proprii in ipsa et ex ipsa apparet. Quod enim forma pertineat ad Ens, hoc intelligi non posset nisi in eodem actu hoc principium proprii, i.e. illa ratio quae conjungit formam cum ente ita ut aliud ad aliud pertineat una simul intelligeretur. Hinc fit, ut quemadmodum haec formula nullo alio indigeat ut probetur et evidens fiat, ita neque hoc principium. Et ideo est verum principium, a quo ratio incipit, et quod tunc habet, quando primum intellexit formam pertinere ad ens. Formula itaque haec nostra pronuntians Formam pertinere ad Ens ipsa sola quando intelligitur continet in se et exprimit principium Proprii.

51. Aliud principium est causalitatis, et hoc exprimit secunda formula nostra. Causa enim et effectus generalissima ratione considerando habent ad se invicem veluti ens ad formam. Effectus enim refert in se aliquam, semper similitudinem causae sive adaequatae, sive inadaequatae, est semper veluti ejus forma, sive essentialis, sive accidentalis. Quando ergo dicimus: Ens generat formam, exprimimus generalissimam rationem quae intercedit inter causam et effectum, et quidem rationem generalissimam,

consideratam in suo logico fundamento, qualis est formula logica. Formula haec itaque quae sic exprimit ipsam rationem causalitatis, continet in se profecto atque exprimit ipsum principium causalitatis.

52. Eandem tertium principium est Identitatis, et hoc exprimit tertia formula nostra. Si qua enim vera datur identitas, nulla certe alia dari potest nisi forma et entis quando secum aequantur. Id enim quod sibi identicum, debet perfecte secum aequari et esse omnino unum, id autem non potest fieri nisi formam inter atque ens ejus. Jam vero fit hoc oppido quando verificatur tertia nostra formula, pronuntians Ens et formam esse unum. Proindeque haec formula continet et exprimit principium identitatis. —

Methodus Philosophiae.

53. Haec sunt tria principia scientiae. Sequuntur tres operationes.

Et prima quidem operatio mentis humanae qua perficitur scientia est plane Inductio. A noto ad ignotum proceditur: a forma scilicet ad ens. Atque hunc processum exprimit evidenter prima nostra formula.

54. Secunda operatio est inversa, quae dicitur Deductio. A causa jam cognita descendit ad omnes effectus; est itaque idem ac descendere ab ente ad formam. Jam vero hanc descensionem, hunc scilicet alterum processum continet in se et exprimit non minus evidenter altera nostra formula.

55. Tertia operatio est simultanea et dicitur recte Aequatio. Confert scilicet ac aequat formam notam cum ente jam et ipso noto, vel, per ulteriorem extensionem, confert formam etiam cum forma, et de earum identitate pronuntiat. Atque hunc ultimum processum pari etiam evidentia nostra tertia exprimit formula.

Systema Philosophiae.

56. Finis ille sublimis Philosophiae quem e limine salutavimus, Verum nempe ipsum quae etiam ipse est Sapientia, licet in se unus omnino sit; tamen juxta legem rationis, quam hucusque explorabamus, exploratamque jam habemus, trina ut ita dicam facie nobis obversatur.

Jam vidimus: modum quo se manifestat Verum, et modum quo Ratio illud apprehendit, correlativa inter se esse ad amussim sibi respondere. — nec posse aliter fieri. Unde dici etiam potest: legem cogitandi esse legem existendi, et vice versa. Ex quo sequitur Verum nobis ad cognitionem tria momenta praesentare: Formam, Eni et Proprium sive unum; juxta illa eadem momenta Ratio- nis, sub quibus Verum apprehendit.

57. Ex altera parte eo ipso quod ratio triplicem modum servat in agendo, necessario etiam triplici principio immititur, et triplicem viam sequitur in eo studio quod Verum impendit, uti etiam exploratum habemus.

58. Sive igitur ex parte rationis, sive ex parte Veri ipsius, rationem et ordinem quaeramus quo universum studium Philosophiae debeamus componere, dirigere atque perficere; sive, quod idem est, quomodo debeamus Systema Philosophiae rite construere omnibusque illud numeris absolvere, statim nobis occurrit totam Philosophiae molem in tria illa maxime momenta suapte sponte ac necessario dissipari.

Tres itaque erunt praecipuae Philosophiae partes

59 I^a tractabit de Forma. Haec tractatio philosophica sumet omnes formas

rerum, primam secundas ac ultimam, expendet legem mentis in cogitandis rebus per formas, deinde leges rerum ipsarum in quantum cogitantur, seu in quantum sunt ideales, ac demum conjunctionem ac nexum illam necessarium qui intercedit inter mentem cogitantem & res cogitatas, atque hoc modo ponet fundamentum ac Criterium certitudinis.

Hæc pars Philosophiæ, utpote tractamus de legibus logicis vocatur Sagica. Nos religioni nobis ducimus hoc nomen, longo sæculorum usu sacratum, huic studio philosophico sancte etiam conservare.

Attamen cum nos logicam ultra ejus consuetos limites extendamus, uti statim clarius exponetur, nomen etiam aptius aliquod exquirendum nobis erat. Soleoque cum omnis hæc tractatio de forma sit seu de formis, rite putamus vocari eam posse Soleosophiam, nempe Sapientiam quæ Formam pro objecto habet. —

Aliquis vocari etiam posset Sagica absoluta; nam tractatio hæc nostra studium Sagicæ omnibus numeris absoluit.

60. II. Pars Philosophiæ tractabit de Ente. Hæc tractatio philosophica sumet omnia entia, scilicet res existentes, expendet leges formarum in existendo, deinde leges entium in quantum existunt, ac deinde ipsam existentiam singulorum. Tractatio porro hæc in totidem alias tractationes dispartietur quot genera entium inveniuntur.

Hæc pars philosophiæ in plures hucusque dividebatur partes, maxime vero in Physicam et Metaphysicam, quarum prima jam vix, aut ne vix quidem, inter philosophicas disciplinas computabatur.

18.
Physica itaque tractabat de legibus
materiali et de entibus ex materia compactis.

Metaphysica versabatur in studio entium
supra materiae conditiones positorum. Al-
tera pars ejus vocabatur

Theodicea quae de Deo disputabat,

Anthropologia altera, quae scilicet dis-
cebat de homine, quae cum maxime de anima
ejus inquirebat, pressius etiam appellaba-
tur Psychologia

Cosmogonia nuncupata est ea pars
veluti mixta inter Physicam ac Metaphysi-
cam, quae de mundo tractabat, ejusque
considerabat leges universales, et ordinem ad
Deum.

Nos omnia ut putamus a priori,
ad normam formulae nostrae collocantes,
in primis omnes has disciplinas philoso-
ficas, utpote de entibus tractantes, simul
connectentes, ad unam principalem discipli-
nam reducimus, quae secundum locum
in Philosophia occupat.

Et quia agit de entibus recte appellari
ex hoc poterit Ontosophia, scilicet Sapi-
entia, quae Ens pro objecto habet.

Singulas vero illas disciplinas de qui-
bus monuimus, tum demum suis locis apta-
bimus, quando ipsum Ontosophiae studium
aggrediemur.

¶ III^o tandem Philosophiae pars tra-
ctabit de Unitate formae cum Ente, et Entis
cum Forma.

Hae unitas in quantum necessaria
non potest esse objectum hujus distinctae
tractationis; nam tunc in prioribus illis
jam est inclusa. Et sane necessaria unitas
formae cum ente id efficit, ut cognita forma

jam necessario una cum ipsa habeamus
 ens, et vicinim cognito ente habeamus
 formam. Tunc sufficit scientia formae et
 scientia entis, ut omnia de hujusmodi ente
 sciamus.

Ad in illis entibus, in quibus haec unio
 formae cum ente necessaria non est, i.e. in
 quibus unio hujusmodi dependet a causa
 aliqua libera, speciali scientia opus est,
 ut haec unio, quam peragere vel non per-
 agere ens liberum supponitur, rite peragi
 possit, proindeque quomodo peragenda
 sit probe intelligatur ac sciatur.

In hac igitur tractatione inveniuntur
 entia rationalia, praesertim vero homo,
 exponitur ejus finis quae est illa forma
 praestantissima ad quam conditus est,
 media quibus ad eundem finem movetur,
 leges quibus in hac via singuli ducuntur,
 jus publicum quo reguntur omnes.

Scientia haec dicitur communiter
Ethica, sive scientia morum.

Nos eam vocabimus Enoticosophiam,
 id est scientiam ac sapientiam quae unionem
 habet pro fine ac objecto, unionem scilicet
 entis rationalis, qualis est homo, cum
 sua ultima perfectissima forma.

62. Haec est principalis Philosophiae parti-
 tio, quae ita sumpta non amplius simplex Phi-
 losophia, sed jure merito Sophia vocanda erit.
 Placet autem hujusmodi partitionem ejus
 parvulo schemate exhibere, quod sequens esse
 potest:

Sophia

I Ideosophia. II Ontosophia. III Enoticosophia
 (Logica absoluta) (Physica et Meta- (Ethica absoluta)
 physica absoluta)

K. 20.
15. V. 1953. Jar